

宋
名
家
詞

後村別調

目錄

滿江紅

十四調

風入松

四調

水龍吟

四調

浪淘沙

四調

念奴嬌

三調

六州歌頭

一調

沁園春

五調

摸魚兒

二調

賀新郎

九調

卜算子

二調

一剪梅

一調

木蘭花慢

三調

最高樓

二調

臨江仙

四調

昭君怨

二調

清平樂

四調

長相思

五調

菩薩蠻

一調

玉樓春

一調

生查子

一調

憶秦娥

五調

鵲橋仙

一調

踏莎行

一調

水調歌頭

九調

哨遍

一調

賀新郎

二十

沁園春

四調

摸魚兒

一調

一剪梅

一調

滿庭芳

一調

鷓鴣天

二調

卜算子

一調

木蘭花慢

一調

念奴嬌

二調

後村別調目錄

終

後村別調

宋 劉克莊

滿江紅

夜雨涼甚忽
動從戎之興

金甲瑠戈記當日轅門初立磨盾鼻一揮千紙
龍蛇猶溼鐵馬曉嘶營壁冷樓船夜渡風濤急
有誰憐援臂故將軍無功級平戎策從軍什
零落盡慵收拾把茶經香傳時時溫習生怕客
談榆塞事且教兒誦花間集嘆臣之壯也不如

人今何及

又

二月二十四夜
飲海棠花下作

老子年來頗自許
心腸鐵石尚一點消磨未盡
愛花成癖懊惱每嫌寒勒住
丁寧莫被晴烘拆
奈暄風烈日太無情
如何得張西燭頻頻惜
憑素手輕輕摘
更一番雨過彩雲無迹
今夕不來花下飲
明朝空向枝頭覓
對殘紅滿院杜鵑啼
添愁寂

又

范尉
梅谷

赤日黃埃夢不到清溪翠麓空
健羨君家別墅幾株幽獨骨冷肌清
偏要月天寒日暮尤宜竹
想主人杖屨繞千廻山南北
寧委澗嫌金屋寧映水羞銀燭
歎出羣風韻背時裝束競愛東
鄰姬傅粉誰憐空谷人如玉
笑林逋何遜謾爲詩無人讀

又

送宋惠父
入江西幕

滿腹詩書餘事到穰苴兵法新受了烏公書幣
著鞭垂發黃紙紅旗喧道路黑風青草空巢穴
向幼安宣子頂頭行方奇特谿峒事聽僂說
龔遂外無長策僂獻俘非勇納降非怯帳下健
兒休盡銳草間赤子俱求活到崆峒快寄凱歌
來寬離別

又

落日登樓誰管領倦游狂客待喚起滄浪漁父

隔江吹笛看水看山身尚健憂晴憂雨頭先白
對算雲不見美人來遙天碧山中鶴應相憶
沙上鷺渾相識想石田茆屋草深三尺空有鬢
如潘騎省斷無面見陶彭澤偃倒傾海水浣衣
塵難湔滌

又

送王
實之

天壤王郎數人物方今第一談笑裏風霆驚座
雲煙生筆落元龍湖海氣琅琅董相天人策

問如何十載尚青衫諸侯客
易變底些官職
難保底些名節擬閉門投轄劇談三日疇昔評
君天下寶當爲天下蒼生惜向臨分慷慨出商
聲摧金石

又壽王
實之

鶴馭來時長占定一年清絕九萬里纖雲收盡
帝青空闊月露偏爲丹桂地風霜欲放黃花節
聽玉笙縹緲度縵山吹初徹
曾直把龍鱗批

曾戲取鯨牙拔向絳河濯足咸池晞髮俗子底
量吾輩事天仙不在臞儒列世豈無瑤草與蟠
桃堪攀掇

又

和王實之韻
送鄭伯昌

恹雨盲風留不住江邊行色煩問信冥鴻高士
釣鰲詞客千百年傳吾輩話二三子繫斯文脉
聽王郎一曲玉簫聲淒金石晞髮處怡山碧
垂釣處滄溟白笑而今拙宦它年遺直只願長

留相見面未宜輕
平生膝有狂談欲吐且休
驚鄰壁

又

四首並
和實之

往日封章曾聳動
君王玉色今似得三閭公子
四明狂客古不能箝言者
口天方欲壽中朝脉
算人間豈有病無醫
須鍼石年冉冉袍猶碧
心耿耿頭先白
笑臣舒迂緩臣山愚直拂袖歸
來羞炙手望塵拜了難伸膝
把富春瀨與首陽

山園齋壁

又

三黜歸來飯蔬食，渾無慍色。中年後家如旅舍，
身如行客。軒冕豈非疣贅，具煙霞已是膏肓。脉
有些兒隙地，更疏泉堆卷石。鄰媪餉新篴碧，
溪友賣鮮鱗白。向陳編冷笑孔明，元直俗事不
教污兩耳。燕居聊可盤雙膝，取當年行腳一枝
筇，懸高壁。

又

疇昔臚傳仗下奏祥雲五色何況是西山弟子
鷗山賓客上帝照臨忠義膽老師付受文章脉
問此君髭髯似何人徂徠石 闕官菜登盤碧
田舍米翻匙白嬾投詩見素寄書杓直德耀不
嫌爲隱髻龜兒已解搖吟膝有誰憐給札老相
如家徒壁

又

下見西山料它日面無慙色君記取不爲呂黨

亦非秦客

繪有十客

有意挽回當世事無方延得諸

賢脉笑海波渺渺幾時平空嘶石園五畝紛

紅碧家四世傳清白任天孫笑拙女嬃嫌直老去何煩援以手向來不要加諸膝待深山深處著茆簷看青壁

又

壽唐夫人

八十加三人盡訝還童返少爭信道夜春曉織

總曾經了凜凜其美當日誓諄諄孟母平生教
到如今象服擁魚軒天之報如船藕如瓜棗
斑衣舞金鐘醵望秋宵一點老人星照塵世少
如孃福壽上蒼知得兒忠孝待看它孫子又生
孫添懷抱

又

和吳叔永尚書
時吳喪少子

著破青鞵渾不憶跼它龍尾夏冷笑癡人擘劃
二三百歲殤子彭錢誰壽夭靈均漁父爭醒醉

向江天極目羨禽魚悠然矣
盃中物姑停止
床頭易都拋廢慨事常八九不如人意白雪調
高尤協律落霞語好終傷綺待煩公老手一摩
掌文公記

風入松

福清道中作

橐泉夢斷夜初長別館淒涼細思二十年中事
歎人琴已矣俱亡改盡潘郎鬢髮銷殘荀令衣
香
多年布被冷如霜到處同床簫聲一去無

消息但回首天海茫茫舊日風煙草樹而今總
斷人腸

又

同前

歸鞍尚欲小徘徊逆境難排人言酒是銷憂物
奈病餘孤負金罍蕭瑟搗衣時候淒涼鼓缶情
懷遠林搖落晚風哀野店猶開多情惟是燈
前影伴此翁同去同來逆旅主人相問今迴老
似前迴

又

公卿至石塘追
和十五年前韻

殘更難睡抵年長
曉月淒涼芙蓉院落深深閉
歎芳卿今在
今亡絕筆無求
皇曲癡心有返魂
香
起來休鐫鬢邊霜
半被堆床定
歸兜率蓬
萊去奈人間無路茫茫
緣斷謾三彈指憂來欲
九迴腸

又

同前

攀翻宰樹暫徘徊
草草安排昔人徒步陳雞絮

愧公家僕馬觥罇華表舊愁滿目黃梁殘夢傷
懷欲將莊列等歡哀對卷慵開憑高指點虛
無路問何年遼鶴歸來宿酒得風漸解小興待
月同迴

水龍吟

己亥
自壽

年年歲歲今朝左弧懸罷渾無事吾衰久矣我
辰安在老之將至嬾寫京書怕看除目敗人佳
息把東籬掩定北窗開了悠然酌頽然睡客

有過門投贄道先生訪華胥氏誰能辛苦陪它
綺語記它奇字屈指先賢戴花老監豈其前裔
待異時約取寬夫彥國入耆英會

又

先生放逐方端不如前輩抽身早臺郎舊秩看
來俗似散人新號起舞非狂行吟非怨高眠非
傲嘆終南捷徑太行盤谷用卿法從吾好 閉
了草廬長嘯後將軍來時休報床頭書在古人

出處今人非笑製箇淡詞呷些薄酒野花簪帽
願雲臺任滿又還因任賽汾陽考

又

前韻

病翁一榻蕭然

劉屏山號病翁

不知世有歡娛事雀羅

庭院戰膠客去催租人至報畝秋光要些酒量

要些詩思奈長鯨罷吸寒蛩息響茶甌外惟貪

睡窮巷幸無干贅或相過莫知誰氏柴門草

戶關人守舍任伊題字自和山歌國風之變離

騷之裔待從今向去年年強健插花高會

又

平生酷愛淵明偶然一出歸來早題詩信意也
書甲子也書年號陶侃孫兒孟嘉甥子疑狂疑
傲與柴桑樵牧斜川魚鳥同盟後歸于好除
了登臨吟嘯事如天莫相諮報田園閒靜市朝
翻覆回頭堪笑節物催人東籬把菊西風吹帽
做先生處士一生一世不論資考

浪淘沙

旅況

紙帳素屏遮全似僧家無端霜月闌窗紗喚起
玉關征戍夢幾疊寒笳歲晚客天涯短髮蒼
華今年衰似去年些詩酒新來都減價孤負梅
花

又

壘嶂碧周遮游子思家掩藏白髮賴烏紗落日
倚樓千萬恨社鼓城笳老去淡生涯虛擲年

華臘茶孟子太清些待得癡兒公事畢謝了梅
花

又

丁未
生日

去歲詣公車天語勤渠絳紗玉斧照寒儒恰似
昔人曾夢到帝所清都骨相太清臞謫墮須
臾今年黃勅換稱呼只爲此翁霜鬢禿老不中
書

又

早歲類寒蛩晚節遭逢曾開黃卷侍重瞳歸去

青藜光照牖堦藥翻紅出畫頗囟囟主眷猶

濃除官全似紫陽翁寶文漳州換箇新衙頭面改又

似包公辭郡得小龍

念奴嬌木犀

遶籬尋菊菊猶遲舍北芙蓉渾未却是小山顰

桂裏一夜天香飄墜約束奴兵丁寧稚子莫埽

青苔砌風高露冷倚欄疑匪人世客有載酒

過予朗吟招隱洗盡悲秋意白髮長官窮似蠹
剛被天公調戲遍地堆金滿空雨粟不濟淵明
事殘英賸馥明朝猶可同醉

又
菊花

老夫白首尙兒嬉廢圃一番料理餐飲落英并
墜露重把離騷拈起野豔幽香深黃淺白占斷
西風裏飛來雙蝶繞鼓欲去還止 嘗試詮次
羣芳梅花差可伯仲之間耳佛說諸天金色界

後村別調

—
—
—

汲古閣

未必莊嚴如此尙友靈均定交元亮結好天隨
子籬邊坡下一盃聊泛霜蔬

又

壬寅
日寅

比如去歲前年今朝差覺門庭靜玉軸錦標無
一首知道先生遠佞假使文殊攜諸菩薩來問
維摩病無花堪散亦無香積齋襯 回首雪浪
驚心黃茆過頂瘴毒如□□□□□□□□□□

[illegible]

令年年今日白頭母子家慶

六州歌頭

壯丹

維摩病起兀坐等枯株
清晨裏誰來問是文殊
遣名姝奪盡羣芳豔色
浴纔出醒初解千萬態
嬌無力困相扶絕代佳人
不入金張室却訪吾
廬對茶鐺禪榻笑殺此
翁癯瑤砌金壺始消渠
憶承平日繁華事修成
譜寫成圖奇絕甚歐
公記蔡公書古來無一
自京華隔問姚魏竟何

如多應是彩雲散劫灰餘野鹿嘶將花去空回
首河洛丘墟謾傷春吊古夢遶漢唐都歌罷歛
歛

沁園春

夢方
孚若

何處相逢登寶釵樓訪銅雀臺喚厨人斫就東
溟鯨鱠圍入罌罷西極龍媒天下英雄使君與
操餘子誰堪共酒盃車千乘載燕南代北劍客
奇材飲酣鼻息如雷誰信被晨雞催喚回嘆

年光過盡功名未立書生老去機會方來使奪
將軍遇高皇帝萬戶侯何足道哉推衣起但悽
涼感舊慷慨生哀

又

送包尉

我羨君歸一路秋風芙蓉木犀想慈顏望久靈
鳥乍噪新眉画就郎馬頻嘶忙脫征衫快呼斗
酒細與家人說建谿情知道這中年懷抱生怕
分攜 丈夫南北東西應笑殺離筵粉淚啼悵

佳人來來碧雲冉冉王孫去後芳草萋萋明日
相思山長水複古道入稀茆店雞元龍老有高
樓百尺誰共登梯

又

寄鍾
賢良

我夢見君帶飛霞冠著宮錦袍與牧之高會齊
山風月謫仙同載采石雲濤萬卷星羅千篇電
掃不學窮兒賦楚騷掀髯處有魚龍起舞狐兔
悲嗥
英雄埋沒蓬蒿暗摸索當年劉與曹嘆

事機易失功名難偶誅茅西崦種秫東臯柵有
雞豚庭無羔雁不是先生索價高人間窄待相
期海上笑摘蟠桃

又

贈孫季蕃

歲暮天寒一見飄然幅巾布裘儘侵雲鳥道躋
攀絕頂拍天鯨漫笑傲中流疇昔期君紫髯鐵
面生子當如孫仲謀誰知道到中年猶未建節
封侯南來萬里何求因感慨喬公成遠遊悵

名姬駿馬都如昨
夢隻雞斗酒難到新丘天地
無情功名有數千古英雄只麼休
平生獨羊曇
一個淚灑西州

又

寄九華
葉賢良

一卷陰符二石硬
弓百斤寶刀戛玉花驄噴鳴
鞭電抹烏絲欄展醉墨龍跳牛角書生虬鬚豪
客談笑皆從折簡招依稀記曾請纓係粵草檄
征遼
當年目視雲霄誰信道淒涼今折腰悵

燕然未勒南歸草草長安不見北望迢迢老去
胸中有些磊塊歌罷猶須著酒澆休休也但帽
邊鬢減鏡裏顏凋

摸魚兒

賞海堂

甚春來冷煙淒雨朝朝遲了芳信
驀然作暖晴三日又覺萬殊嬌困
天怎忍潘令老不成也沒看花分
才情減盡悵玉局飛仙石湖絕筆
孤負這風韻
傾城色懊惱佳人薄命
牆頭岑寂誰

後村別調

十六

汲古閣

問東風日算無聊賴。吹得胭脂成粉。君細認花
笑。酒古來二事。天猶吝。年光去迅。謾綠葉成陰。
蒼苔滿地。做取異時恨。

又

感嘆

怪新來倚樓看鏡。清狂渾不如舊。算雲千里傷
心色。那更亂蟬疎柳。凝望久。愴故國百年漢闕。
誰回首。功名大謬。歎采藥名山。讀書精舍。此計
何時就。封侯事久矣。輸人妙手。扁舟聊作漁。

叟高冠長劒都閒物世上切身惟酒千載後君
試看拔山扛鼎俱烏有英雄骨朽問顧曲周郎
而今還解來聽小詞否

賀新郎

鬱孤臺

絕頂規危榭跨高寒鳥飛不過雲生其下斤斲
無聲人按堵翕忽青紅變化覽城郭山川如画
閣老鳳樓修造手笑談間突出凌雲厦臺上景
買無價 唾壺麈尾登臨暇似當年文章太守

後村別調

十七

汲古閣

歐陽公也傾倒贛江伏硯滴判斷雪天月夜更
喚取鄒枚司馬銅雀凌歊歌舞罷訪殘碑斷甃
無存者餘翰墨被風雅

又

春景

動地東風起画橋西繞溪桑柘漫山桃李寂寂
牆陰蒼苔路猶印前回屐齒驚歲月飈馳雲駛
太息攀翻長亭樹是先生手種今如此君不樂
欲何俟 傍人錯會淵明意笑斯翁皇皇汲汲

登山臨水佳處徑呼籃輿去彷彿柴桑栗里從
我者門生兒子嘗試平章先賢傳屈原醒不似
劉伶醉判茗芋臥花底

又荷藥

一夢揚州事画堂深金瓶萬朶元戎高會座上
祥雲層層起不減洛中姚魏嘆別後關上迢遞
國色天香何處在想東風猶憶狂書記驚歲月
一彈指數枝清曉煩馳騎向小窗依稀重見

蘇城佳麗料得花憐儂消瘦儂亦憐花顚顚謾
悵望竹西歌吹老矣應無騎鶴日但春衫點點
當時淚邛笮有舊情味

又
送陳子華
赴冀州

北望神州路試平章這場公案向誰分付記得
太行兵首萬曾入宗爺駕御今把作握蛇騎虎
君去東京豪傑喜看投戈下拜真吾父談笑裏
定齊魯兩淮蕭索惟狐兔問當年祖生去後

有人來否多少新亭揮淚客不夢中原塊土這
事業須由人做堪笑書生心膽怯向車中閉置
如新嬾空目送塞鴻去

又

端午

深院榴花吐画簾開綵衣紈扇午風清暑兒女
紛紛新結束時樣釵符艾虎早已有游人觀渡
老大逢場慵作戲任白頭年少爭旗鼓溪雨急
浪花舞靈均標致高如許憶生平旣紉蘭佩

又懷椒糈誰信騷魂千載後波底垂涎角黍又
說是蛟饒龍怒把似而今醒到了料當年醉死
差無苦聊一笑吊千古

又

九日

湛湛長空黑更那堪斜風細雨亂山如織老眼
平生空四海賴有高樓百尺看浩蕩千崖秋色
白髮書生神州淚儘淒涼不向牛山滴追往事
去無迹少時自負凌雲筆到如今春華落盡

滿懷蕭瑟常恨世人新意少愛說南朝狂客把
破帽年年拈出若對黃花孤負酒怕黃花也笑
人岑寂鴻北去日西匿

又

遊水東周
家花園

溪上收殘雨倚危欄薄綿乍脫日陰亭午開市
不知春色處散在荒園廢墅漸小白長紅無數
客子雖非河陽令也隨緣暫作鶯花主那可負
甕中醕碧雲四合千岩暮恨恹恹余方有事

子姑婦去趁取羣芳未搖落暇日提魚就煮歎
激電光陰如許回首明年何處在問桃花尙記
劉郎否公莫笑醉中語

又

郡會聞妓
歌有感

妾出於微賤少年時朱絃彈絕玉笙吹遍粗識
詩家關雎亂羞學流鶯百轉總不涉閨情春怨
誰向西隣公子說要珠鞍迎入梨花院身未動
意先嬾主家十二樓連苑邨人人靚粧鞍曲

繡簾初捲道是画堂簫管唱笑殺街坊拍袞回
首望侯門天遠我有平生離鬱操頗哀而不愠
微而婉聊一奏夏三嘆

又

端午

思遠樓前路望平堤十里湖光画舫無數綠蓋
盈盈紅粉面葉底荷花解語鬪巧結同心雙縷
尚有經年離別恨一絲絲總是相思處相見也
又重午 清江舊事傳荆楚嘆人情千載如新

香林別言 二十一
尚沉菰黍且盡樽前今日醉誰肯獨醒吊古泛
幾盞菖蒲綠醕雨雨龍舟爭競渡奈珠簾暮捲
西山雨看未足怎歸去

卜算子

手植海棠盛開風雨
作崇輒作小詞二首

盡是手成持合得天饒借風雨千花有甚譬作
意相陵藉 做暝逼教開做冷催教謝不負明
年花下人只負栽花者

又

片片蝶衣輕點點猩紅小人道東君不惜花百
種千般巧朝見樹頭繁暮見樹頭少人道東
君果惜花雨打風吹了

一剪梅

中秋解宜
春邠印

陌上行人怪府公還是文窮還是詩窮下車上
馬太囟囟來是春風去是秋風階銜免得管
兵農嬉到昏鐘睡到齋鐘不須提岳與知宮喚
作溪翁喚作山翁

木蘭花慢

癸卯
生日

病翁將耳順牙齒落鬢毛疎也慙愧君恩放還
田舍免詣公車兒時某丘某水到而今老矣可
樵漁寶馬華軒無分蹇驢破帽如初 浮名箕
斗竟成虛磨折總因渠帝錫余別號江湖聱叟
山澤仙臞尊前未宜感慨事猶須看歲晏何如
衛武耄年作戒伏生九十傳書

又

送鄭
伯昌

古人吾不見君莫是鄭當時夏築就山房躬耕
谷口名動京師諸公任他衮衮與杜陵野老共
襟期有客至門先喜得錢沽酒何疑 昔年聯
轡柳邊歸陳迹恍難追況種桃道士看花君子
回首皆非相逢故人問訊道劉郎老去久無詩
把做一場春夢覺來莫要諱思

又

丁未
中秋

水亭凝望久期不至擬還差隔翠幌銀屏新睂

初画半面猶遮須臾淡煙薄靄被西風掃盡不
畱些失了白衣蒼狗奪回雪兔金蟾 棄雲徑
到玉皇家人世鼓三搥試自判此生更看幾度
小住爲佳何須如鉤似玦便相將只有半菱花
莫遣素娥知道和它髮也蒼華

最高樓

戊戌
自壽

南嶽後累任作祠官試說與君看仙都玉局纔
交卸新衙又管華州山怪先生吟膽壯飲腸寬

去歲擁旌旗稱太守今歲帶笭箬稱漫叟慵
入鬧慣投閒有時拂袖尋種放有時攜枕就陳
搏任傍人嘲潦倒笑癡頑

又

再題周
登樂府

周郎後直數到清真君莫是前身八音相應諧
韶樂一聲未了落梁塵笑而今輕郢客重巴人
只少個綠珠橫玉笛更少個雪兒彈錦瑟欺
賀晏壓黃秦可憐樵唱并菱曲不逢御手與龍

巾且醉眠蓬底月甕間春

臨江仙

縣圃種花。或刻種海棠作

落魄長官江海客少豪萬里尋春而今顚顚向
溪濱斷無觴詠興惟有簿書塵手插海棠三
百本等閒粧點芳辰他年絳雪映紅雲丁寧風
與月記取種花人

又

庚子重陽余以漕輶帥會前帥唐伯平
前漕黃成父于越王臺明年是日寓海

豐縣

驛作

去歲越王臺上飲席間二客如龍憑高吊古壯
懷同馬嘶千嶂算樂奏半天中 今歲三家村
市裏故人各自西東菊花時節酒樽空可憐雙
雪鬢禁得幾秋風

又

潮惠道中

不見仙湖能幾日塵沙變盡形容夜來月冷露
華濃都忘茆屋下但記画船中 兩岸綠陰猶
未合更須補竹添松最憐幾樹木芙蓉手栽纔

數尺別後爲誰紅

又

已酉和實之

玉筵銅車當日事東塗西抹都曾閒
曲子壓和凝曲予相公縱遊非草草已醉強惺惺
今向三家村送老身如罷講吳僧
高樓百尺不須登半爐燒藥火一瓊勘書燈

昭君怨

壯丹

曾看洛陽舊譜只許姚黃獨步
若比廣陵花太

虧他 舊日王侯園圃今日荆榛狐兔君莫說
中州怕花愁

又 瓊
華

后土宮中標韵天上人間一本道號玉真妃字
瓊姬 我與花曾半面流落天涯重見莫把玉
簫吹怕驚飛

清平樂

五月十五
夜翫月

纖雲掃迹萬頃玻璃色醉跨玉龍游八極歷歷

天青海碧 水晶宮殿飄香 華仙方按霓裳消
得幾多風露變教人世清涼

又

同前

風高浪快萬里騎蟾背曾識姮娥真體態素面
元無粉黛 身游銀闕珠宮俯看積氣濛濛醉
裏偶搖桂樹人間喚作涼風

又

項在維揚陳師文參議家舞姬絕妙賦此

宮腰束素只怕能輕舉好築避風臺護取莫遣

驚鴻飛去 一團香玉溫柔笑顰俱有風流貪
與蕭郎眉語不知舞錯伊州

又 別意。丹陽舟中作

休彈別鶴淚與絃俱落歡事中年如水薄懷抱
那堪作惡 昨宵月露高樓今朝煙雨孤舟除
是無身方了有身長有閒愁

長相思 惜梅

寒相催暝相催催了開時催謝時丁寧花放遲

後和別詩

江古閣

角聲吹笛聲吹了南枝吹北枝明朝成雪

飛

又

寄

朝有時暮有時潮水猶知日雨迴人生長別離
來有時去有時燕子猶知社後歸君行無定

期

又

別

風蕭蕭雨蕭蕭相送津亭折柳條春愁不自聊

潮

煙迢迢水迢迢
淮擬江邊駐
画撓舟人頻報

又

煙淒淒草淒淒
野火原頭燒斷碑
不知名姓誰
印纍纍
冢纍纍
千萬人中幾個歸
榮華朝露

略

又

勸一盃復一盃
短鍾相隨死便埋
英雄安在哉

後村別調

二十八

汲古閣

眉不開懷不開幸有江邊舊釣臺拂衣歸去
來

菩薩蠻

戲林
推

小鬟解事高燒燭羣花圍繞樗蒲局道是五陵
兒風騷滿肚皮玉鞭鞭玉馬戲走章臺下笑
殺灞橋翁騎驢風雪中

玉樓春

戲呈林節
推鄉兄

年年躍馬長安市客舍似家家似寄青錢換酒

日無何紅燭呼盧宵不寐
易挑錦婦機中字
難得玉人心下事
男兒西北有神州
莫滴水西橋畔淚

生查子

元夕戲陳敬叟

繁燈奪霽華
戲鼓侵明發
物色舊時同
情味中年別
淺画鏡中眉
深拜樓西月
人散市聲收
漸入愁時節

憶秦娥

暮春

遊人絕綠陰滿野芳菲歇芳菲歇養蠶天氣采
茶時節枝頭杜宇啼成血陌頭楊柳吹成雪
吹成雪淡煙微雨江南三月

又

上巳

脩禮節晉人風味終然別終然別當時賓主至
今清絕等閒寫就蘭亭帖豈知留與人間說
人間說永和之歲暮春之月

又

泥滑滑一聲聲喚征鞍發征鞍發客亭楊柳不
禁攀折荀郎衣上香初歇蕭娘心下書難說
書難說霎時吹散一生愁絕

又感舊

春醒薄夢中毬馬豪如昨豪如昨日月明橫笛曉
寒吹角古來成敗難描摸而今却悔當時錯
當時錯鐵衣猶在不堪重著

又

後村別調

三十

汲古閣

梅謝了塞垣解凍鴻歸早鴻歸早憑伊問訊大
梁遺老 浙河西面邊聲悄淮河北去炊煙少
炊煙少宣和宮殿冷煙衰草

鵲橋仙

戊戌
生朝

金風淅淅銀河淡淡長少羣賢畢會平生心事
麴生知恠此夕惺惺相對 玄花生眼新霜點
鬢不肯遮藏老態人間何處有仙方擘劃得二
三百歲

踏莎行

甲午重九
牛山作

日月跳丸光陰脫兔登臨不用深懷古向來吹
帽插花人盡隨殘照西風去老矣征衫飄然
客路炊煙三兩人家住欲攜斗酒畱秋光山深
無覓黃花處

水調歌頭

和酉外判
宗湖樓韻

君看郭西景渾不減孤山飛樓突兀百尺輪奐
侈前觀絕唱新詞寡和墮淚舊碑無恙往事付

驚瀾不見遶鶴還惟對水鷗閒 又何必珠翠
盛管弦懽啞壺塵尾蕭灑領客上高寒丞相功
存宗廟祭酒義兼家國世事尚相關風月寓意
耳莫作晉人看

又

遊蒲間追和崔菊坡韵。余頃爲儀真
郡督郵白事維揚崔公銳欲羅致屬先
受制置使李公之辟崔公始聘洪公舜
俞入幕後二十五年奉使嶺外拜公祠
像俯仰今昔輒和公
所作水調以寓悲慨

敕使竟空返公不出梅關當年玉座記憶及席

問平安羽扇尉佗城上野服仙游閣下遼鶴幾
時還賴有蜀耆舊健筆與書丹 青油士珠履
客各凋殘四方感感靡騁獨此尙寬閒丞相祠
堂何處太傅石碑墮淚木老瀑泉寒往者不可
作置酒且登山

又

再和
喜歸

遣作嶺頭使似戍玉門關來時送者舉酒珍重
祝身安街畔小兒拍笑馬上是翁矍鑠頭與壁

後村別詞

三十二

汲古閣

俱還何處得仙訣
髮白頰猶丹
屋茆破籬菊
瘦架籤殘
老夫自計甚審
忙定不如閒
客難楊
雄拓落
友笑王良
來往面汗背芒
寒再拜謝不
敏
早晚乞還山

又

三和○解印
有則戲作

老子頗更事
打透利名關
百年擾擾于役何異
入槐安夢裏
偶然得意醒後
纔堪發笑
蟻穴駕
車還恰佩南柯印
髣髴轂曾丹
客未散
日初

映酒猶殘向來幻境安在回首總成閒莫問浮
雲起滅且跨剛風遊戲露冷玉簫寒寄語抱朴
子候我石樓山

又

四和○八月上潯解
印別同官席上賦

半世慣岐路不怕唱陽關朝來印綬解去今夕
枕初安莫是散場優孟又似下棚傀儡脫了戲
衫還老去事多忘公莫笑師丹筆端花胸中
錦兩消殘江湖水草空曠何必養天閒久苦諸

君共事更盡一盃別酒風露夜深寒回首行樂
地明日隔雲山

又

五和○客散循堤步片而作

落日幾呼渡佳夕每留關有時來照清淺鬢雪
似潘安一曲親蒙君賜兩岸更無人迹惟見鷺
飛還隙地欠栽接蕉荔雜黃丹柳全疎松尚
幼怕摧殘傷人笑我癡計管鑰費防閑翁意在
平林輕客亦知夫水月滿腹貯清寒賦詠差有

愧赤壁與滁山

又

六和。次夕觴客湖上賦葛仙事

羯虜問周鼎柱史出秦關苦求勾漏何意身世
遠差安不見跼鵞墮水時有飛鴻遵渚樂此久
忘還采藥寓言耳胸次有靈丹釣游處榕葉
暗荻花殘自翁仙後千載輸與水鷗閒我讀內
篇未竟忽被急符驅去洞閉白雲寒回首愧幽
子隱約海中山

又

七和○十三夜同官
戴酒相別不見月作

恠事廣寒殿此夕不開闔林間烏鵲相賀暫得
一枝安只在浮雲深處誰駕長風挾取明鏡忽
飛還玉兔呼不應難覓白中丹 酒行深歌聽
徹笛吹殘嫦娥老去孤另離別匹如閒待得銀
盤擎出只怕玉峯醉倒衰病不禁寒卿去我欲
睡辜負此湖山

又

癸卯中
秋作

老去有奇事天放兩中秋使君飛榭千尺縹緲
見麟洲景物東徐城上歲月北征詩裏圓缺幾
時休俯仰慨今昔惟酒可澆愁風露高河漢
澹素光流賈胡野老相慶田海十分收競看姮
娥金鏡爭信仙人玉斧費了一番修衰晚筆無
力誰伴賦黃樓

哨遍

昔坡公以盤谷序配歸來詞然陶詞既櫟括入律韓序則未也暇日游方

氏龍山別墅試效輦爲之俾主人刻之崖云

勝處可宮平處可田泉土尤甘美深復深路絕
住人稀有人兮盤旋於此送子歸是他隱居求
志是要明主媒當世嗟此意誰論其言甚壯孔
顏猶有遺旨大丈夫之被遇于時入坐廟朝出
旗麾列屋名姬夾道武夫滿前才子噫有命
存焉吾非惡此而逃之富貴人所欲如之何幸
而致向茂樹堪休清泉可濯谷中別有閑天地
鱸細於絲蕨甜似蜜采於山釣於水大丈夫不

遇時之所爲唐處士依稀是吾師覺山林尊如
朝市五侯門下賓客擾擾趨形勢嗟盤之樂誰
爭子所占斷千秋萬歲呼僮秣馬更膏車便與
君從此逝矣

賀新郎

吾少多奇節頗擲揄玉關定遠壺頭新息一劒
防身行萬里選甚南溟北極看塞鴈銜來秋色
不但槩基夸妙手管城君亦自無勍敵終賈輩

恐難匹 酒腸詩膽新來窄
向西風登高望遠
亂山斜日安得良弓并快馬
聊與諸公角力漫
醉把闌干頻拍莫恨寒蟬離海
晚待與君秉燭
游今夕歡易買健難得

又

杜子昕
觀歌

盡說番和漢這琵琶依稀似曲
驀然絃斷作麼
一年來一度欺得南人技短
歎幾處城危如卵
元凱後身居玉帳報□□休作尋常看
佈嚴令

運奇筭 開門決鬪雌雄判笑中宵奚車羶屋
獸驚禽散箇箇巍冠橫塵柄誰了君王此段也
莫靠長江能限不論周郎并幼度便仲尼復起
嗟微管馳露布築京觀

又

跋唐伯
玉奏藁

宣引東華去似當年文皇親擢馬周徒步殿上
風霜生白簡下殿扁舟已具怎不與官家留住
古有一言腰相印誰教他滿篋嬰鱗疏還笏退

後村別調

三十七

汲古閣

不廻顧 新來邊報猶飛羽問諸公可無長策
少寬明主攀檻朱雲頭雪白流落如今底處但
一片丹心如故賴有越臺堪眺望那中原莫已
平安否風色惡海天暮

又

送唐伯玉還朝

驛騎聯翩至道臺家籌邊方急酒行姑止作麼
攜將琴鶴去不管州人墮淚富與貴平生無味
可但紅塵難着脚便山林未有安身地搔白髮

兀相對 前身小范疑公是憶當年天章閣上
建明尤偉慶曆諸賢方得路便不容他老子須
著放延州城裏一句殷勤牢記取在朝廷最好
圖西事何必向玉關外

又

送黃成父還朝

飛詔從天下道中朝名流欲盡君王思賈時事
祇今堪痛哭未可徐徐俟駕好着手扶將宗社
多少法筵龍象衆聽靈山祝付些兒話千百世

要傳寫 予方行矣乘驄馬又送它江南太史
去游瓊厦老我伴身惟有影倚徧風軒月榭悵
玉手何時重把君向柳邊花底問看貞元朝士
誰存者桃滿觀幾開謝

又

戊戌壽張史君
九月十八日

南國秋容晚曉寒輕芙蓉臺榭拒霜池館試向
壺山堂上望萬頃黃雲刈遍總喫着君侯方寸
不要漢庭誇擊斷要史家編人循良傳春脚到

福星現 家家香火人人願
要還他慶元狨座
建炎蟬冕穩奉安輿迎兩國
誰謂山遙水遠福
壽比河沙難算來歲而今
黃花節早驂鸞入侍
瑤池宴風浩蕩海清淺

又

宋菴
訪梅

鵲報千林喜還猛省謝家池館
早寒天氣要與
瑤姬敘離索草草杯盤籍地
悵減盡何郎才思
不願玉堂并金屋願年年歲歲
花間醉餐秀色

後村別調

三十九

汲古閣

挹高致 西園飛蓋東山妓問何如半山雪裏
孤山煙外管甚夜深風露冷人與長鉶共睡任
翠羽枝頭多事老子平生無他過爲梅花受取
風流罪簪白髮莫教墜

又

和人詠
茶蘼

曾與瑤姬約恍相逢翠裳搖曳珠鞦聯絡風露
青冥非人世攬結玉龍驂鶴愛萬朵千條纖弱
禱祝花神憐惜取到開時晴雨須斟酌枝上雪

莫銷却 惱人匹似中狂藥
凭危闌燭光交映
樂聲遙作身上春衫香熏透
看到參橫月落算
茉莉猶底一着坐有綈山王
郎子倚玉簫度曲
難爲酢君不飲鑄成錯

又

用前韻賦
黃荼蘼

想赴瑤池約向東風名姬駿馬翠韉金絡太液
池邊鵲群下又似南樓呼鶴畫不就穠纖嬌弱
羅帕封香來天上瀉銅盤沆瀣供清酌春去也

後村別調

被留却 芳魂再反應無藥似詩詠綠衣黃裏
感傷而作愛惜尙嫌蜂採去何況流鶯蹴落且
放下珠簾遮著除却江南黃九外有何人敢與
花酬酢君認取莫教錯

又

卅川
約字

淺把宮黃約細端相普陀煙裏金身珠絡萼綠
華輕羅襪小飛下祥雲仙鶴朶朶賽蜂腰纖弱
已被色香撩病思儘鵝兒酒美無多酌看不足

怕殘却 人間難得傷春藥更枝頭流鶯喚起
少年狂作留取姚家花相伴羞與萬紅同落未
肯讓蠟梅先着樂府今無黃絹手問斯人清唱
何人醉休草草認題錯

又

郡宴
和韻

草草池亭宴又何須珠鞦絡臂琵琶遮面賓主
一時詞翰手倏忽龍蛇滿案傳寫處塵飛鷺轉
但得時平魚稻熟這腐儒不用青精飯陰霧掃

後村別調

霽華見 使君償了豐年願便從今也無敲朴
也無厨傳試拂籠紗看壁記幾箇標名渠觀想
九牧聞風爭羨此老飽知民疾苦早歸來載筆
熏風殿詩有諷賦無勸

又

再和前韻

夢斷釣天宴怪人間曲吹別調局翻新面不是
先生瘖啞子怕殺烏臺舊案但掩耳蟬嘶禽囀
老去把茅依地土有瓦盆盛酒荷包飯停造請

免朝見 少狂誤發功名願苦貪他生前死後
美官佳傳白髮歸來還自笑官轄希夷古觀看
一道氷銜堪羨妃子將軍嗔未已問匡山何似
金鑾殿休更待杜鵑勸

又

題蒲澗寺

風露驅炎毒記僊翁飄然謫墮吹笙騎鵠歷歷
漢初秦季事山下瓜猶未熟過眼見群雄分鹿
想得拂衣游汗漫試回頭劉項俱蠻觸斫鯨鱣

脯鱗肉 越人好事因成俗擁遨頭如雲士女
山南山北問訊先生無恙否齊魯干戈滿目且
游戲扶胥黃木不是世無瓜樣棗便有來肯飽
癡兒腹聊舉酒笑相屬

又 王實之喜予出嶺命愛姬
歌新詞以相勞輒次其韻

此腹元空洞少年時諸公過矣上天吹送老大
被它禁害殺身與浮名孰重這般笛休休拈弄
綵筆擲還殘錦去

用江淹
鮑照事

願今生來世無妖夢

且飯犢莫吞鳳
新來暗啞如翁仲
羨王郎驂鸞縹緲玉簫吹動應笑夔州村裏女
炙面生愁
進奉要絕代傾城安用今古何人知此理有吾
家酒德先生頌三萬卷謾充棟

又
蒙恩主崇禧
再用前韻

主判茅君洞有檐間查查喜鵲曉來傳送幾度

黃符披戴了此度君恩越重

僕五任祠廟一南岳二仙都三玉局

四雲臺
五崇禧

被賀監天隨調弄做取散人千百歲笑

後村別調

四十三

汲古閣

渠儂一霎邯鄲夢歌而過鳳兮鳳 灌園織屨
希陳仲問先生加齊卿相可無心動除却醴泉
中太乙揀箇名山自奉那捷徑輸它藏用有耳
不曾聞黜陟免教人貶駁徂徠頌服蘭佩結茅
棟

又二
和

謫下神清洞更遭它挪揄黥鬼路傍遮送薄命
書生雞肋爾却笑尊拳忒重破故紙誰教繙弄

一枕茅簷春睡美便周公大聖何須夢門前客
任題鳳卜鄰羊仲并求仲願春來西疇雨足
土膏犁動白髮巡官占歲稔不問京房翼奉棹
與甕從今無用醉與老農同擊壤莫隨人頭獻
嘉禾頌在陋巷勝華棟

又

生日用實
之來韻

鬢雪今千縷更休休癡心歆望故人明主晚學
瞿聃無所得不解飛昇滅度似曉鼓鑿鑿過五

散盡朝來湯餅客且烹雞要飯茅容母怕迴首
太行路 麟臺學士微雲句便尊前周郎復出
審音無誤安得春鶯雪兒輩輕拍紅牙按舞也
莫笑儂家蠻語老去山歌尤協律又何須手筆
如燕許援琴操促箏柱

又

再用
前韻

放逐身縑縷被門前羣鷗戲狎見推盟主若把
士師三黜比老子多他兩度袖手看名場呼五

不會車邊望塵拜免它年青史羞潘母勾曲洞
是歸路 平生怕道蕭蕭句況新來冠欹并側
醉人多誤管甚是非并禮法頓足低昂起舞任
百鳥喧啾春語欲托朱絃寫悲壯這琴心脉脉
誰堪許君按拍我調柱

又

實之三和有憂邊
之語走筆荅之

國脉微如縷問長纓何時入手縛將戎主未必
人間無好漢誰與寬些尺度試看取當年韓五

豈有穀城公付授也不干曾遇驪山母談笑起
兩河路 少時棋枰曾聯句歎而今登樓攬鏡
事機頻誤聞說北風吹面急遶上衝梯屢舞君
莫道投鞭虛語自古一賢能制難有金湯便可
無張許快投筆莫題柱

又

四用縷字韻
爲王實之壽

萬字如鐵縷憶王郎丹墀大對氣爲文主貴近
傍觀俱失色仰止如天聖度笑杜牧成名居五

晚面清光猶若諫似封人懇切言君母謫塵世
錯行路 當時宜和薰風句又那知青雲一跌
被才名誤輸與靈和殿前柳柔較隨風學舞怪
兩鳥新來停語不是先生高索價問何時宰相
先生許舉杯祝莫傾柱

又 實之用前韻爲
老者壽戲答

身畔無絲縷但從前練裳練帨做他家主甲子
一周加二紀兔走烏飛幾度賽孔子如來三五

後村別語

四十六

汲古閣

徐陵云小如來五
歲多孔子三年

鶴髮蕭蕭無可截要一杯留

客慙陶母門外草欲迷路

朗吟白雪陽春句

狩夫君驪駒不至鵲聲還誤老去聊攀萊子例

倒着班衣戲舞記田舍火爐頭語肘後黃金腰

下印有高堂未敢將身許且扇枕莫倚柱

沁園春

癸卯佛生翌日將曉夢
中作既醒但易數字

有箇頭陀形等枯株心猶死灰幸春山筍賤無
人爭喫夜爐芋美與客同煨何處旛花忽相導

引莫是天宮迎赴齋又疑道同毗耶城裏講席
初開 這邊尙自徘徊笑那裏紛紛早見猜有
尊神奮杵拳麤似鉢名緇豎拂喝猛如雷老子
無能山僧不會誰誤檀那舉請哉山中去便百
千億劫休下山來

又

和吳尙
書叔永

我所思兮延陵季子別來九春笑是非浮論幽
衣蒼狗文章定價秋月華星獨步岷峨後身坡

後村別調

四十七

汲古閣

穎何必荀□有二仁中朝裏看叔兮袞斧伯也
絲綸洛中曾識機雲記玉立堂堂九尺身歎
茗溪漁艇幽人孤往鴈山馬鬣弔客誰經宣室
釐殘玄都花謝回首舊游存幾人新腔美堪洗
空恩怨喚起交情

又

吳叔永尙書和
予舊作再答

莫羨渠儂白玉成樓黃金築臺也不消顛怪騎
鱗被髮誰能委曲令鵠爲媒鬢有一毛袖閑雙

手只子持螯與把杯公過矣賞陳登豪氣杜牧
麤才便煩問訊張雷甚斗宿無光劍不迴想
閣中鳴佩時攜客去壁間懸榻近有誰來撤我
虎皮讓君牛耳誰道兩賢相見哉中年後向歌
闌易感樂極生哀

又

維揚作

遼鶴重來不見繁華只見凋殘甚都無人誦倚
郎詩句也無人報書記平安閨里俱非江山畧
後村別調

是縱有高樓莫倚闌
沉吟處但螢飛草際雁起
蘆間不辭霜宿風餐怕萬里
歸來雙鬢斑算
這邊贏得黑貂裘弊那邊輸了
翡翠衾寒檄草
流傳吟牋倚閣開到瓊花亦
嬾看君記取向中
州差樂塞地無歡

摸魚兒

用實
之韻

便披蓑荷鋤歸去何須身
着宮錦與誰共話桑
麻事朱老阮生尤稔
篩樣餅甕樣鹽長鬚赤脚

供樵飪清流濁品盡掃去胸中置諸膜外對酒
莫辭飲 華胥夢怕殺人驚曉枕疎牕惟月來
闖一生常被弓旌誤且告朝家追寢愁箇甚君
管取有薇堪采松堪蔭茆山再任幸不是謀臣
又非世將免犯道家禁

一剪梅

余赴廣東實之
夜餞于風亭

束縕宵行十里強挑得詩囊拋了衣囊天寒路
滑馬蹄僵元是王郎來送劉郎 酒酣耳熱說

文章驚倒鄰牆推倒胡牀傍觀拍手笑疎狂疎
又何妨狂又何妨

滿庭芳

記夢

涼月如水素濤翻雪人世依約三更扁舟乘興
莫計水雲程忽到一洲奇絕花無數多不知名
渾疑是芙蓉城裏又似牡丹墀蓬萊應不遠
天風海浪滿目淒清更一聲鐵笛石裂龍驚回
顧塵寰局促揮袂去散髮騎鯨遽遽覺元來是

夢鐘動野雞鳴

鷓鴣天

腹疾且睡和
朱希真詞

前度看花白髮郎平生痼疾是清狂幸然無事
污青史省得教人奏赤章游俠窟少年場輸
他群謝與諸王居人不識庚桑楚弟子誰從魏
伯陽

又

戲題周
登樂府

詩變齊梁體已澆香奩新製出唐朝紛紛競奏

桑間曲寂寂誰知爨下焦
揮綵筆展紅綃十分峭措稱妖饒
可憐才子如公瑾未有佳人敵
小喬

卜算子

亂似盎中絲密似風中絮
行遍茫茫禹迹來底是無愁處
好客挽難留俗事推難去
惟有翻身入醉鄉愁欲來無路

木蘭花慢

壽王實之

瀛洲眞學士爲底事在紅塵爲語觸宮闈沉香
亭裏嗔謫僊人爲親近君側者見萬言策子甚
劉蕡爲是尙方請劒漢廷多憚朱雲 君言往
事勿重陳且鬪酒邊身也不會區區算它甲子
記甚庚寅爾曹譬如朝菌又安知老柏與靈椿
世上榮華難保古來名節如新

念奴嬌

壽方德潤

卯君來處與眉州仙子依稀同日一自前朝龔

後村別調

一

五十一

汲古閣

蔡後頗覺壺山岑寂誰料端平繼居遺補復有
斯人出幅巾林下姓名玉座長憶須信諂語
尤甘忠言最苦橄欖何如蜜諸老蕭疎星欲曉
留取南都鐵壁洛社自佳鏡湖雖好莫問君王
乞年年歲大家同做真率

又

丙午鄭少
師生日

禁中張讌苦留公未許歸尋初服千載君臣魚
有水不比嚴光文叔大德中天客星一夕草草

聊同宿重來疑碧依然賡載相屬 過眼夸奪
紛紛浮雲野馬幾度棋翻局客話鳳池三入事
洗耳湖光一曲伯始泉荒穉圭圃冷占斷西風
菊年年歲歲金英常泛芳醪

政淳祐辛丑八月御批云劉克莊文名久著史學
尤精可特賜同進士出身由是負一代盛名偶有
題跋後人輒以為定衡所採別調一卷大率此等
稼軒相類楊升菴謂其壯語足以主懦余竊謂

後村別調

五十二

卷一百一十五

其雄力足以排衆云湖南毛晉識

後村別調

終